

## EUREKA PROJEKT

EUREKA je evropska mreža za istraživanje i razvoj, orijentiran prema tržištu. EUREKA okuplja i povezuje tvrtke i istraživačke institucije iz 37 evropskih zemalja te Evropske unije (kao institucije). EUREKA pomaže izgradnji partnerstva kroz zajedničke multilateralne projekte, u cilju jačanja evropske konkurentnosti. Rezultat projekta su novi proizvodi ili usluge koji promoviraju napredne tehnologije i imaju svoje mjesto na tržištu.

Službena stranica EUREKA mreže: [www.eureka.be](http://www.eureka.be)

### \* **Prijava projekta**

Da bi se prijavio EUREKA projekt, pošto BiH nije EUREKA članica, potrebno je imati najmanje dva partnera iz zemalja članica EUREKA programa, s tim da projekt mora voditi partner iz industrije. Prijedlog projekta se može dostaviti nacionalnom uredu ukoliko i nema partnera, ali u tom slučaju taj projekt dobija status «project suggestion» (prijedlog projekta) i privremeni registarski broj, sve dok se ne ispuni ovaj osnovni uslov. Prijedlog projekta treba dostaviti direktno EUREKA sekretarijatu unošenjem svih potrebnih informacija u formular na web stranici ili prijedlog dostaviti Nacionalnom EUREKA uredu. Nacionalni ured potom obavještava o daljim koracima. EUREKA program je više prilagođen preduzećima, ne zahtijeva velike konzorcije i složene postupke kod prijavljivanja i provedbe projekta.

Projekte mogu prijavljivati pravna lica: velika, srednja, mala preduzeća, naučne i obrazovne institucije.

### \* **Vrste projekta**

EUREKA projekti mogu se osnovati u bilo kojem tehnološkom području, ali se zbog statističkog praćenja projekti dijele u 9 (devet) podgrupa:

- Medicina i biotehnologija
- Telekomunikacije
- Energetika
- Zaštita okoliša
- Informacijske tehnologije
- Laseri
- Novi materijali
- Robotika i automatizacija
- Transport

Osim klasičnih projekata, EUREKA aktivnosti se odvijaju kroz krovne projekte, tzv «umbrelle» i «clustere».

Projekt «umbrella» je krovni projekt unutar EUREKA-a, usredotočen na specifična tehnološka i poslovna područja. Glavni cilj krovnog projekta je jačanje veze s industrijom i generiranje EUREKA projekata unutar ciljanog područja.

«Clusteri» su projekti koje osmišljava i usmjerava dotična grana industrije u specifičnim područjima od strateškog interesa za transnacionalno i predkonkurentno istraživanje i razvoj. Clusteri raspisuju svoje interne konkurse u skladu sa radnim programom, a najčešće jednom do dva puta godišnje i imaju svoj međunarodni ocjenjivački tim koji odobrava projekte i dodjeljuje im EUREKA znak.

### \* **Finansiranje projekta**

Mreža EUREKA nema zajednički fond za direktno finansiranje, već svaka zemlja članica podržava sudjelovanje domaćih partnera kroz različite sisteme sufinansiranja iz

lokalnih izvora. Program pomaže izgradnji partnerstva kroz zajedničke multilateralne projekte, u cilju jačanja evropske konkurentnosti. Rezultat projekta su novi proizvodi ili usluge koji promoviraju napredne tehnologije i imaju svoje mjesto na tržištu. Zahtjevaju uključivanje partnera iz privrede, koji pri tom ulažu i svoja sredstva u razvoj proizvoda, pa zbog toga ideja mora biti tržišno primjenjiva i mora sadržavati detaljno razrađen plan, kao i ugovor o partnerstvu.

EUREKA projekti su prilično veliki (vrijednost od oko 1.000.000 € i više) pa stoga moraju završiti proizvodom na tržištu.

#### **\* Traženje partnera**

Projekt omogućuje saradnju koja uključuje nezavisne organizacije iz najmanje dvije zemlje punopravne članice EUREKA-e. Partneri u projektu su odgovarajuće kvalificirani za realizaciju projekta-tehnički i upravljački, te imaju pristup potrebnim finansijskim resursima. EUREKA takođe djeluje i kao forum za dijalog između vlada i tijela odgovornih za standardizaciju, te sudionika EUREKA-e kojima su potrebni zajednički industrijski standardi i koji imaju problema s tehničkim, komercijalnim i administrativnim preprekama. Program EUREKA pridaje izuzetnu važnost sudjelovanju industrijskog sektora – vodeću ulogu u EUREKA programu imaju preduzeća.

#### **\* Saradnja**

Primarni cilj programa EUREKA je potaknuti istraživačke napore firmi i razvoj inovacijskih kapaciteta. EUREKA pomaže firmama da ujedine svoje resurse i razviju saradnju sa naučnoistraživačkim institutima u svrhu razvijanja naprednih tehnologija i proizvoda orijentiranih prema tržištu. Osnovno pravilo EUREKA-e je pristup «od dna prema vrhu».

#### **\* Ideje**

Ideja treba da je inovativna i usmjerena na razvoj novog proizvoda, procesa ili usluge koji imaju tržišni potencijal.

Ideja treba da je usmjerena na:

- pronalaženje partnera
- definiranje projekta
- pronalaženje izvora finansiranja
- pristup ostalim EUREKA uslugama
- istraživanje tržišta i tehnologija

#### **\* Osoblje**

Uposlenici u industriji, institutima, velikim kompanijama, naučnici i istraživači. Sudionici imaju potpunu odgovornost oko izrade i provedbe naučnih i tehnoloških saradničkih projekata. Sami donose odluke o najboljem načinu za osiguravanje novih tržišta. Aktivnosti unutar krovnih projekata koordinira i provodi radna grupa koju čine predstavnici EUREKA-e i industrijski stručnjaci.

#### **\* Kapaciteti**

Osnova kapaciteta EUREKA projekta je njihov cilj koji se ogleda u pružanju prilika koje poboljšavaju i podižu na viši stepen kapacitete individua, posebno mladih, koji se suočavaju sa novim izazovima što im širi vidike ka razvoju sveukupne zajednice, čime se pripremaju za preuzimanje vodećih uloga u današnjoj globalnoj dinamičnoj zajednici.